



00508

存素堂集續編

奏疏卷三

恭報代造直隸剝船工竣開行摺

奏為代造直隸剝船工竣開行恭摺仰祈

奏 奏 奏
奏 奏 奏
奏 奏 奏

聖鑒事竊照道光十八年江西省奉文代造直隸楊村

續增剝船一百隻解直備用當經前撫臣裕泰行

司查議詳辦將動用正款及委員興工排造緣由

奏明在案茲據委員試用通判顏貽曾將前項船隻

如式趕造完竣具結申報由司道查明委係工堅

料實並無草率偷減等情詳請驗收覈

存素堂集續編

奏疏卷三

奏前來臣親驗無異除飭該委員顏貽曾即於十九

年三月初四日督押開行剋期抵直以資剝運毋

許稍有延誤並將用過工料銀兩飭司據實造報

另行照例

題銷外所有代造直隸剝船工竣開行緣由理合恭

摺具

奏伏乞

皇上聖鑒再江西河口鎮同知徐澂應賠造道光七年

解送天津三限剝船七隻現已一併造齊搭解合

併陳明謹

奏

道光十九年三月初七日

存素堂集續編

奏疏卷三

二



欽定大清會典事例

奏

請以瑞州府原缺知府唐業謙委署瑞州府片
再瑞州府知府朱錦琮據報聞訃丁憂現經臣恭
疏具

題開缺所遺篆務應卽委員接署查有坐補瑞州府
原缺知府唐業謙歷練安詳堪以先行委署據藩
臬兩司會詳前來除檄飭遵照一面另行照例

題補外謹會同署兩江督臣陳鑾附片具

奏伏乞

聖鑒謹

奏

存素堂集續編

奏疏卷三

三

道光十九年四月初二日

校閱省標營伍甄劾衰庸各弁摺

奏爲校閱省標營伍情形甄劾衰庸各弁恭摺奏

聞仰祈

聖鑒事竊臣欽承

恩命調撫江西職兼提督有統轄全省營務之責訓練
操防均關緊要上年冬間到任後卽按日分調三
營弁兵赴署內箭道督同操練並添製擡礮十位
長矛二十桿飭令認真演習一面通飭省外各營
將備講求紀律按期操演務使兵收實用餉不虛
糜茲據省城三營各將官造具官兵花名清冊呈

存素堂集續編

奏疏卷三

四

請校閱到臣查撫標左右兩營額設兵丁七百一
十七名南昌城守營額設兵丁一千二百八十二
名內除派撥塘汛防兵五百九十四名實在存營
兵丁六百八十八名臣親赴教場按冊逐一點驗
尙無短少及老弱充數等弊軍裝器械亦屬完整
連日悉心校閱合操配隊大陣及速戰陣演放連
環鎗礮擡礮並長矛刀械籐牌雜技尙俱合式馬
弓四力步弓六力八力十力不等馬步箭中靶分
數在六七成以上馬鎗鳥鎗擡礮準頭亦在七成
以上當將技藝較優各弁兵分別獎賞記功拔補

間有技藝生疏而年力漢仗尙堪造就者分別責懲勒限學習不堪造就者概行革伍又查有左營左哨頭司把總鄒景年力就衰應請勒令休致左營額外委樊朝泰弓馬生疏應請斥革右營學習武舉謝鴻選南昌城守營學習武舉徐步廷弓馬俱屬平常均應革去隨營仍畱武舉飭令回籍以肅營伍據該管將備隨冊揭報前來除所遺把總及額外委各缺另行分別拔補外臣仍論飭各將領務須嚴督弁兵按期認真操演如有訓練無方或稍涉懈弛卽當立予參革斷不敢稍事姑

存素堂集續編

奏疏卷三

五

容以仰副

聖主整飭戎行修明武備之至意再南昌城守營防汛差出各弁循舊陸續調省補考其省外各營官兵亦應次第閱看惟現在將屆停操之期容臣續後再行親往巡閱合併陳明所有校閱省城營伍情形並甄別各弁緣由理合恭摺具

奏伏乞

皇上聖鑒訓示謹

奏

道光十九年五月初一日

覆奏犯婦王氏謀勒朱文銘身死請仍照原擬摺
奏爲遵

旨審明定擬恭摺覆奏仰祈

聖鑒事竊准刑部咨道光十九年二月二十九日奉

旨此案江西鄱陽縣犯婦王氏謀勒朱文銘身死經該
撫擬以絞監候昨據大理寺以情罪未協具奏降旨
令刑部悉心覈議茲據奏稱該省所擬無誤應行照
覆案關罪名出入不厭精詳著交錢寶琛督同臬司
管適羣再將此案情節虛心推鞠秉公審訊明確毋
縱母枉按律定擬具奏欽此遵卽行提人卷來省督

存素堂集續編

奏疏卷三

六

同臬司管適羣詳加研鞫緣王氏之父王遺芳與
已死生員朱文銘隔村居住素不相識朱文銘妻
故探知王氏少艾欲娶爲室於道光十四年十一
月間央託朱均才劉觀保爲媒說合因王氏年甫
十五伊年近四旬恐女家嫌其年大屬朱均才等
瞞爲二十四歲王遺芳欲相看許配朱文銘起意
妄冒以伊姪朱慕膺少年清秀令朱均才等帶往
相看許配十二月二十五日朱文銘迎娶過門王
氏見朱文銘並非年少查知妄冒情由歸向其父
哭訴王遺芳以事已錯誤難以挽回向勸王氏無

奈轉回屢次斥罵朱文銘不應妄冒騙娶日向吵鬧朱文銘因此心生厭惡將王氏遇事折磨時加毆責王氏曾於十五年九月十六日投井尋死經朱萬仇救起得生至十一月初四夜朱文銘自外醉歸復取酒自酌聲稱總要將王氏打死王氏忿恨莫遏起意致死乘朱文銘睡熟尋取麻繩一頭拴在牀後門格一頭由朱文銘咽喉繞轉頸執住繩頭用力拉勒登時殞命經前撫臣裕泰審明將王氏照擅殺律擬絞具

題在案茲提集研訊各供均與前情無異臣以王氏

存素堂集續編

奏疏卷三

七

果因被騙不甘何以延至經年之久始將朱文銘謀勒致斃恐實有起釁別故復向嚴詰該氏堅供伊到朱家後兩回母家先後畱住四月又爲外祖母洪氏接住月餘又朱文銘赴省鄉試往返三月有餘其間相處止及兩月伊查知被騙當向不依時相角鬧後卽因此忿激致死委無別故質之屍弟生員朱文銳亦稱王氏查知騙娶情事卽與伊兄日相吵鬧後卽因此被勒身死如果別有起釁情節伊住居咫尺斷無不知自必早經供出爲兄伸冤何肯轉爲隱瞞等語復訊此外人證亦各供

如一矢口不移案無遁飾查律載爲婚而女家妄
冒者杖八十男家妄冒者加一等已成婚者離異
又例載嫁娶違律應行離異者與其夫有犯如先
姦後娶或私自苟合或知情買休雖有媒妁婚書
均依凡人科斷各等語此案王氏被朱文銘妄冒
成婚起意將其謀勒致死例無作何治罪明文惟
查先姦苟合買休等項均屬和同嫁娶例意尙以
非婚姻之正概從凡論今妄冒爲婚係屬設計誑
騙絕無夫婦恩義假如該氏於被騙成婚後業已
樂從復因別故將朱文銘致死亦止應依凡人科

存素堂集續編

奏疏卷三

八

斷况經迭次審明該氏查知被騙迄無一日相安
甚至捐軀投井迨因忿恨莫釋起意致死其逞忿
雖出於臨時而懷恨實基於騙娶委屬一釁相因
毫無別故不特不能以服制論斷亦未便與和同
嫁娶之先姦苟合買休等項同科臣與臬司管通
羣揆度案情參稽例義竊以騙嫁者律應斷離本
無名分冒娶者法應擬杖卽屬罪人且謀故殺死
誑騙財物等犯厯以擅殺定擬冒娶失身較之誑
騙財物情節尤重擬以擅殺似無枉縱所有王氏
一犯應請仍照前撫臣原擬依擅殺罪人者絞律

擬絞監候秋後處決除供招咨部外理合恭摺覆
奏伏乞

皇上聖鑒訓示謹

奏

道光十九年六月初九日

存素堂集續編

奏疏卷三

九



前次十七次平大員等次月

皇土聖鑒訓示謹

奏

並有... 奏...

勘辦濱臨江湖各縣被水情形分別撫卹摺

奏爲勘辦濱臨江湖各縣被水情形分別酌發銀兩

照例撫卹恭摺奏祈

聖鑒事竊照本年五月內據南昌新建進賢建昌湖口
豐城星子餘干等縣先後稟報因雨水過多圩隄
間有坍塌沿江沿湖低田被淹臣已將飭司委勘
緣由於五月分雨水情形摺內聲明

奏報在案嗣據清江新淦峽江鄱陽萬年德興都昌
安義德化德安彭澤瑞昌廬陵吉水等縣續報被
水又經委員分投會勘並札飭該管道府督飭印

存素堂集續編

奏疏卷三

十

委各員認真勘辦現經藩司趙炳言查明被水者
共二十二縣除清江廬陵吉水峽江新淦安義等
縣情形最輕低田均經涸復業已補種晚禾秋成
尙無妨礙毋庸查辦外其餘十六縣內惟德化一
縣情形最重建昌星子湖口彭澤瑞昌德安等縣
次之進賢餘干南昌新建鄱陽都昌豐城萬年德
興等縣又次之緣德化係九江府附郭首縣地處
下游濱臨大江爲江省及川楚等省眾水匯聚之
所地勢本極低窪五月二十一二三四五六等日
大雨如注江水驟漲沿江之桑落鄉一帶先被淹

浸續於二十八日因鄰境上游湖北黃梅縣所轄
之新開鎮隄壩潰口四十餘丈距德化之封廓隄
僅十五里水勢建瓴而下灌入封一封二兩鄉以
致田廬被淹濱江之赤松鄉又被江水漫溢仙居
白鶴南菖仁貴得化五鄉低處田禾亦間段受淹
並據該縣續報楚城鄉山水陡發衝壓田畝房屋
又建昌縣之永豐凝三鄉星子縣之下七都六都
南村等處湖口縣之阜湖口等處及梅家大灣等
洲彭澤縣之三十三都並一二坊一二三等都瑞
昌縣之周灘九屯等堡德安縣之黃灣陳灣固村

存素堂集續編

奏疏卷三

十一

墩下等堡或地勢較低湖水倒灌或風浪衝激圩
圍坍卸田畝廬舍均被淹沒積水驟難消退各該
縣被水窮黎先已遷避高阜人口尙無損傷而遭
此蕩析離居覓食維艱殊堪憫惻當經各地方官
捐備饘餅分別散給暫爲安撫但人數眾多力難
爲繼此時棚棲露宿待哺嗷嗷必須早爲接濟由
該司詳請照例動項撫卹前來

臣仰體

聖主宵旰痾瘼之意卽照該司所請在於司庫項下先
行酌撥銀一萬六千兩內發德化縣銀五千兩建
昌星子德安湖口彭澤五縣各銀二千兩瑞昌縣

銀一千兩分別解交九江南康二府督飭各該縣印委各員確查實在被水貧民戶口酌量散放以資接濟臣伏查德化縣地當長江之衝加以上游黃梅潰隄之水是以被淹稍廣澗復較遲其餘建昌等縣被水各鄉堡以通縣計之均不過十分中之二三現在節候尙未立秋如能日漸消澗仍可補種晚禾雜糧小民無虞枵腹卽無須另辦加賑臣現飭藩司一面發銀撫卹一面親往察看情形督飭查辦俾免遺濫而杜侵冒至進賢等九縣低田被水不過一隅中之一隅臣已嚴飭各該縣曉

存素堂集續編

奏疏卷三

三

諭農民俟被淹處所一經涸出立卽補種以冀有收但日來江水頂阻兼之上游吉安等處連日大雨消退甚遲將來應徵錢糧應否量予停緩統俟秋後察覈辦理其各該縣高田早禾均已成熟晚禾亦栽插暢茂此外未被水各屬早稻收成均屬豐稔糧價並不增昂民情極爲安堵堪以仰慰宸廑所有勘辦被水各縣撫卹情形理合恭摺具

奏伏乞

皇上聖鑒謹

奏

道光十九年六月二十八日

存素堂集續編

奏疏卷三

十三



道光十九年六月二十八日

請以玉山縣知縣張兼山升補瑞州府銅鼓營同知摺

奏爲同知要缺需員懇

恩俯准陞補以裨地方恭摺奏祈

聖鑒事竊照瑞州府銅鼓營同知石家紹在署贛州府

任內因病出缺業經臣恭疏具

題所遺銅鼓營同知係衝繁難兼三要缺例應在外

揀員調補該地方棚民雜處彈壓稽查最關緊要

必得精明幹練之員方足以資治理臣與藩臬兩

司在於通省同知內逐加遴選一時未得其人惟

存素堂集續編

奏疏卷三

十四

查有玉山縣知縣張兼山年五十歲河南進士由

卽用知縣分發江西道光七年委署靖安縣知縣

八年在任告病因未經題報患病之先出有安遠

縣一缺應以該員補用經吏部題明俟病痊時仍

以安遠縣知縣原缺坐補嗣該員在江醫痊就近

請咨赴部引

見奉

旨張兼山著仍發原省照例用欽此十一年

題補安遠縣知縣旋經調補玉山縣知縣於十五年

七月十八日到任是年

大計卓異引

見奉

旨准其卓異加一級仍註冊回任候陞欽此該員才具明練辦事慎勤歷俸久滿三年以之陞補瑞州府銅鼓營同知洵堪勝任惟調缺請陞與例稍有未符第人地實在相需例得專摺四寶集全奏請據藩司趙炳言臬司管適羣會詳前來合無仰

皇上天恩俯念要缺需員准以玉山縣知縣張兼山陞補瑞州府銅鼓營同知實於地方有裨如蒙

存素堂集續編

奏疏卷三

五

俞允該員係保舉應陞人員一切因公處分遵例毋庸覈計罰俸銀兩飭令按限完繳造冊詳咨又該員

卓異引

見未滿三年毋庸送部引

見其所遺玉山縣知縣係衝繁疲難四項兼全最要之缺容照例揀員另請調補所有遊員陞補要缺同知緣由臣謹會同署理兩江總督臣陳夔合詞恭摺具

奏伏乞

皇上聖鑒訓示謹

奏

道光十九年七月初一日

存素堂集續編

奏疏卷三

十六



光緒十六年七月一日

會議覆奏御史焦友麟請廣敷教化摺

奏爲遵

旨會議恭摺覆奏仰祈

聖鑒事竊臣錢寶琛接准部咨道光十九年四月十一

日奉

上諭御史焦友麟奏請廣敷教化整飭風俗一摺著各

直省督撫會同各該學政妥議具奏欽此欽遵鈔錄

原奏知照到臣當卽咨會臣吳其濬悉心覈議查

原奏內稱守令訟獄催科日不暇給查辦教匪雖

其責所難辭終爲力所未逮教職一官向屬閒曹

存素堂集續編

奏疏卷三

七

於歲科兩試外毫無所事而顧名思義則於整飭
學校之中可兼訓迪士民之責應請

勅下各直省學政督令各屬教官專司稽查勸諭再令
擇品學兼優之生員每鄉各數人分任其事將頒
行

聖諭廣訓直解按期宣講仍著教官不時考察如查有習

教燒香者許會縣拏究倘有扶同隱匿生員連坐

教官參處並於年終出具切結會縣分詳督撫學

政存案彙奏仍令州縣嚴查保甲毋得視爲具文

等語臣等伏查定例直省府州縣鄉村巨堡及番

寨土司地方設立講約處所揀選老成者一人以爲約正再擇樸實謹守者三四人以爲值月每月朔望咸集耆老人等宣講

聖諭廣訓及

欽定條例務令明白講解家喻戶曉該州縣教官仍不時巡行宣導如地方奉行不力督撫查參又嘉慶四年欽奉

上諭各省地方有司每逢朔望有傳集民人宣講

聖諭廣訓之事如果膺民牧者能教以大義於國家設立科條摘其大端剴切宣示俾圍聽之民知所領悟則不存素堂集續編

奏疏卷三

六

但循謹善良聞而忻慕即桀驁不馴之徒亦當知所斂戢况地方大小官員有教育斯民之責豈可視為迂闊置之不講嗣後不但朔望宣讀

聖諭廣訓當明切講論及公堂聽獄赴鄉勸農時皆可隨時誨導啟發顛蒙庶默化潛消可漸收易俗移風之效等因欽此

天語煌煌誠萬世不易之良法也今該御史所奏誠爲整

飭風俗起見而責成教官專司其事恐不能無所窒礙蓋化民成俗司鐸者固宜分任其勞而牧民者斷無可寬之責臣錢寶琛前在湖南巡撫任內

訪知朔望宣講之例久成具文特將

聖諭廣訓十六條刊發各屬飭令地方認真宣講及調任江西亦復照舊刊發通飭遵行並摘刻民間易犯罪名禁煙條例通頒曉示令地方官查民間有聚族而居者則公舉族正異姓雜居者則公舉約正令其專司教導並會同臣吳其濬飭知教官一體遵行在案竊思州縣之於民地至近而令易行果能行之以實持之以久斯善長者益知觀感而桀驁者亦可潛移若僅令各學教官專司考察而州縣身任地方轉得寬其責任竊恐教官之令可行

存素堂集續編

奏疏卷三

九

於在學之生員而不可行於在邑之百姓勢必責效無由仍歸廢弛臣等公同酌議應請專責其成於州縣而分任其事於教官每遇月之朔望州縣與教官各赴城內城外之公所就近傳集居民宣講

聖諭務使小民咸知觀感勉爲善良其四鄉則令州縣會

同教官遴選老成端謹之人舉爲鄉正專司宣講不必拘定生員一項蓋生員半多寒士遠館教讀其鄉居者每屆歲科兩試及赴省鄉試往返動需時日勢難責其按期宣講惟擇紳士耆民凡爲一

鄉之望者視村莊之大小定人數之多寡少者一
二人多者五六人令其專司教導至江西風俗多
聚族而居宜添設族正一項或一二人或二三人
均照在城地方官朔望舉行之例就各鄉公所各
族祠堂認真宣講毋許曠廢先將選舉各鄉正族
正姓名履歷開造清冊通送上司衙門備案仍令
州縣於因公赴鄉或接見紳耆士庶之時留心諮
訪如果實力奉行著有成效卽申詳上司給匾獎
勵如地方官查有習教爲匪之事立卽拏究如教
官查出亦卽知會地方官嚴拏失察者照例查辦

存素堂集續編

奏疏卷三

三

該鄉正族正容隱不舉卽治以應得之罪如此則
州縣無旁貸之責兼可收教官助理之益而與定
例亦屬相符辦理似無窒礙至於地方官查辦保
甲各省均向有章程惟當一體遵行似可毋庸另
議是否有當謹將_臣等遵

旨會議緣由恭摺覆

奏伏乞

皇上聖鑒謹

奏

道光十九年八月初五日

訪獲鄱陽湖一帶匪犯聚黨結盟分飭嚴辦片
再江西鄱陽湖一帶河面遼闊港汊紛歧匪徒最
易潛匿上年經前撫臣裕泰訪獲匪犯楊珍珠等
多名究出該犯等結拜弟兄在於南北兩河分段
肆竊嚇詐行船積年滋擾之案不一而足當將各
犯分別定擬具

奏在案惟逸犯尙多未獲仍有潛出爲害經臣飭委
豐城縣縣丞姚敏德前赴該處會同地方官嚴密
摻拏茲據該委員會同鄱陽樂平萬年浮梁等縣
先後稟報獲犯二十餘名內有錢長仿方李仿周

存素堂集續編

奏疏卷三

三

照仿阮長子鄭雲舵子周朱保徐進仿余茂五劉
貴章等犯訊係楊珍珠案内夥黨又據永豐峽江
等縣稟報訪有民人戴禳廷等藉稱神會聚黨結
盟情事當已拏獲首夥九人據稱止圖彼此相助
以禦外侮並無不法別情恐所供尙未盡實且供
出結拜人數亦多有參差現經臣分飭嚴審詳辦
並諄諭各屬一體認真巡緝查拏務期有犯必獲
不任稍有疏懈以安行旅而靖地方所有辦理緣
由理合附片具陳伏乞

聖鑒謹

奏

道光十九年八月初五日

存素堂集續編

奏疏卷三

三

飭追民欠漕米逾限無完請予補豁摺
奏爲飭追民欠漕米逾限無完請予補豁以符

恩旨恭摺奏祈

聖鑒事竊照前任蓮花廳同知廣宣等墊完嘉慶二十
三年起至道光八年止民欠漕米七千餘石又前
署廳徐棨墊完道光九年分民欠漕米一千八十
餘石經前撫臣吳光悅於道光十一年審辦已革
巡檢馮懷稟訐案內

奏奉

上諭徐棨及廣宣等原抵民欠漕米八千一百一十七
存素堂集續編

奏疏卷三

三

石零予限三年責成現任之員催追屆限未完著落
原墊之員酌賠十分之八接徵之員酌賠十分之二
未完民欠飭令後任照追解司歸補本案飭追無著
之款等因欽此欽遵飭追去後嗣因三年限滿民欠
尙未徵完已將原墊接徵各員分賠銀數造冊咨
部並分咨各該員原籍著追在案茲據布政使趙
炳言督糧道徐廣縉會詳稱查道光十五年八月
初九日恭逢

恩旨普免十年以前逋欠錢糧所有蓮花廳民欠未完
漕米本在應免之列因先經奏奉

諭旨飭追是以未經彙辦今據吉安府查明前項民欠米石截至道光十五年八月初九日奉

旨豁免之日止共已追完米二千四百一十三石三升四合七勺仍未完米五千七百四石二斗四升一合三勺委係實欠在民應請遵照前奉

恩旨奏明補豁至該員廣宣等應賠挪墊銀兩業經詳請咨追如有無著應照追賠定例在於各上司名下分賠等情詳請覈

奏前來臣查道光十年以前江省各州縣墊完民欠漕米均已遵

存素堂集續編

奏疏卷三

五

旨奏豁蓮花廳未完民欠米石年分相符事同一律自未便再行追徵使該廳各花戶獨抱向隅惟先因奏明飭追有案是以未經彙辦茲既據該司道等查明各該員應賠挪墊銀兩業已分別咨追如有無著應照追賠定例在於各上司名下分賠所有前項未完漕米五千七百餘石委係實欠在民自應照數補豁以符

恩旨而廣

皇仁理合恭摺具

奏伏乞

皇上聖鑒訓示謹

奏

道光十九年八月初五日

存素堂集續編

奏疏卷三

五

查勘各縣被水輕重找發撫卹銀兩摺

奏爲查勘各縣被水輕重情形找發撫卹銀兩恭摺

奏祈

聖鑒事竊照本年江西省陸續稟報被水各屬惟德化

一縣情形較重建昌星子湖口彭澤瑞昌德安六

縣次之前據各該縣印委各員分別勘報由藩司

趙炳言覈明具詳請先撥司庫銀一萬六千兩內

發德化縣銀五千兩建昌星子德安湖口彭澤五

縣各銀二千兩瑞昌縣銀一千兩責成該管之九

江南康二府督令確查戶口先行覈實散放臣當

存素堂集續編

奏疏卷三

三

卽飭令該司親往察看督飭查辦業將辦理緣由

奏奉

硃批據實查看奏聞欽此轉行欽遵在案茲據該司親

赴德化建昌等縣勘明督辦並據各道府印委各

員先後查覆由司彙覈議詳前來臣伏查德化等

七縣實在應行撫卹被水乏食貧民戶口既據該

司督飭清查明確除前發銀兩外應找發德化縣

銀三千兩建昌縣銀一千五百兩湖口瑞昌二縣

各銀九百餘兩彭澤縣銀五百餘兩德安縣銀二

百餘兩星子縣不敷銀數無多由縣捐湊統計共

我發銀七千一百餘兩臣仰體

皇上宵旰如傷之意已飭令照數動放分別委解各縣覈實散給務使實惠及民毋許書役經手以杜侵扣仍俟事竣彙案造冊報銷又查德化縣毘連湖北黃梅其被水之封一封二桑落赤松等鄉田廬尙未涸出覈計成災五分例應分別蠲緩毋庸加賑惟所給撫卹僅足救濟目前轉瞬寒冬必須再加接濟應由臣督率司道籌捐辦理其建昌星子湖口彭澤瑞昌德安六縣已涸田地半多補種可冀有收間有未涸處所亦止各縣中之一隅于收

存素堂集續編

奏疏卷三

七

成大局尙無妨礙係屬勘不成災貧民得沾撫卹莫不歡欣歌舞感頌

皇仁又清江新淦峽江廬陵吉水安義等六縣被水低田先經涸復續因河水復漲補種晚禾又被漫淹其餘原報被水之南昌新建進賢豐城餘干鄱陽萬年德興都昌等九縣以及續報被水之新喻泰和萬安等三縣內惟德興一縣被淹地方本少俱已涸復補種毋庸查辦此外各縣被水雖均止一隅並不成災惟多係積歉之區各戶應完本年民屯錢漕及帶徵各款難以完納應與建昌等縣一

體查辦緩徵遞緩以紓民力除行司飭催各府縣
覆查頃畝確數俟一律覆齊另行覈辦外所有勘
明被水各縣輕重情形及我發撫卹銀兩緣由理
合恭摺奏

聞伏乞

皇上聖鑒再查餘干縣原報被水本輕續因迭次復漲
圩隄坍塌情形轉重泰和縣被淹田地無多惟因
水勢甚驟有淹斃人口情事均須酌量安撫現在
分別籌捐妥辦合併陳明謹

奏

存素堂集續編

奏疏卷三

天

道光十九年九月初三日

清查案內未完銀兩請俟挪墊銀兩依限補完後
接續歸補片

再臣接准部咨道光十九年正月二十一日奉

旨戶部奏江西省嘉慶四年清查案內原虧倉庫兩項
尙未完銀七萬五百餘兩節經展緩迄今限滿仍未
據報歸補著該撫查明前項未完銀兩迅卽飭催掃
數解部毋得再有延宕以重帑項欽此遵卽轉行藩
司欽遵查辦去後嗣據該司趙炳言詳稱查江西
嘉慶四年清查案內共查出虧缺銀八十三萬九
千一百一十八兩零截至嘉慶十八年秋季止除
存素堂集續編 奏疏卷三 完
已歸補銀七十六萬八千五百餘兩尙未完銀七
萬五百餘兩欽奉

諭旨

暫行停止彌補俟過數年後民氣漸紓再行辦理等

因欽此嗣於道光十三年奉部行催又因江西連
年水旱頻仍官民交困一時難以提解經前撫臣
周之琦

奏請再緩三年仍照原定章程分別缺分之優瘠酌
提銀數之多寡定年限幾年再行提解歸款奉

旨允准在案覈計扣至十六年二月三年限滿應卽照
案分攤陸續彌補惟因連年水旱之後民氣本未

復元且各州縣自道光十五年起有

奏明攤捐買回楚米平糶虧折成本等款銀七萬六千餘兩力難兼顧現在又有墊解道光十年以前民欠挪缺銀五十四萬六千三百餘兩經戶部議奏著落現任各官分限十年攤補查此次挪缺銀數甚鉅攤補已屬不易加以各州縣每年額捐款項本多若再將嘉慶四年清查案內未完銀兩責令同時並捐實屬力有未逮更恐不肖之員藉稱賠累或虧挪公項或朘削民膏於

國計民生大有關繫應請咨明戶部將清查案內未

存素堂集續編

奏疏卷三

三

完銀兩俟挪墊銀五十四萬六千三百餘兩依限補完之後再行接續攤補清款等情臣查該司所議委係實在情形當經咨部覈示茲准戶部覆令自行奏明辦理等因前來相應遵照部咨據實奏明可否仰懇

天恩俯念各屬攤款較多准將清查案內未完銀七萬五百餘兩俟挪墊銀兩照數補完後再行接續歸補以清懸款之處出自

逾格鴻施爲此附片具陳伏乞

聖鑒恭候

訓示遵行謹

奏

道光十九年十月初九日

存素堂集續編

奏疏卷三

三

請以候補道觀瑞署理鹽法道以雲都縣知縣宋應文署理南城縣片

再江西鹽法道薩興阿前因七年俸滿准部咨調

取引

見嗣以該道查辦鹽務奏銷並有催提岸商未解各綱

緩納雜課銀兩驟難竣事當即

奏請展限暫緩給咨茲查該道經手要件已據陸續

辦竣本年補行

大計卓異現在接准部覆應即給咨赴部併案帶領

引

存素堂集續編

奏疏卷三

三

見所遺鹽道印務查有候補道觀瑞累署鹽篆熟悉情

大形堪以委署又南城縣知縣時式敷今於

大計案內保舉卓異應行送部引

見所遺印務據兩司會詳查有雲都縣宋應文堪以調

署除分飭遵照外理合會同署兩江總督臣陳鑾

附片

奏明伏乞

聖鑒謹

奏

道光十九年十月初九日

請以新喻東鄉縣知縣對調摺

奏爲知縣人地未宜揀員請

旨對調以資治理恭摺奏祈

聖鑒事竊照江西臨江府屬新喻縣係繁難二項中缺該縣民俗刁悍近年徵收漕糧每有棍徒把持抗欠必須精明熟諳之員方足以資整頓查新選知縣佛爾國春係鑲黃旗滿洲監生由部領憑於道光十九年九月二十五日到省臣屢次接見察看該員年力正壯心地明白惟初膺民社於新喻縣人地不甚相宜自應揀員對調俾資治理茲查有

存素堂集續編

奏疏卷二

三

東鄉縣知縣銘岳年四十歲正白旗漢軍阿裕魯佐領下人由進士引

見奉

旨以知縣卽用簽掣江西

題補今職於道光十八年八月十二日到任該員年壯才明勤幹有爲以之調補新喻縣知縣可期辦理裕如所遺東鄉縣知縣係專難不兼簡缺卽以佛爾國春對調亦堪勝任如此一轉移間人缺相當於地方實有裨益據藩司趙炳言臬司管適羣會詳前來相應

奏懇

聖恩俯准以東鄉縣知縣銘岳調補新喻縣知縣所遺

東鄉縣缺卽以佛爾國春對調實於吏治有裨如

蒙

俞允該員等以選缺調補選缺照例毋庸送部引

見再查銘岳任內僅有接徵道光十四年地丁未完一

分以上於三參案內造冊送部覈議一案無關降

革此外亦無盜案錢糧展參違礙處分合併陳明

所有知縣人地未宜請揀員對調緣由謹會同署

兩江督臣陳鑾合詞恭摺具

存素堂集續編

奏疏卷三

三

奏伏乞

皇上聖鑒訓示謹

奏

道光十九年十一月初二日

各營戰船久未修造酌請裁改並先籌試辦摺
奏爲各營戰船久未修造酌請裁改並先行籌捐試
辦恭摺奏祈

聖鑒事竊照江西南湖九江鄱湖各營額設唬船共三
十五隻均因年久失修船身朽壞無存歷年操演
巡緝皆係雇募民船應用難資得力臣到任後查
知各該處均有竊劫之案本年水勢泛漲外江內
湖汪洋一片宵小乘機竊發屢有失事迭經嚴飭
各屬修造船隻俾資巡緝續據九江府會同南湖
九江兩營詳稱因原設各船船身笨重駕駛不便

存素堂集續編

奏疏卷三

三

兼之例價不敷地方官憚於賠累未能按限修造
歷係雇募民船備用且爲數過多半係虛設若照
舊一律全造實屬虛糜工費於操演巡防仍無實
濟查南湖營額設唬船二十三隻內操船十隻巡
船十三隻應請酌畱操船十隻照民船改造長三
丈六尺五寸足資駕用且巡操兩得其便九江營
額設哨船三隻唬船五隻議請將唬船五隻照該
處民船收小改造長四丈一尺足資更番巡操其
哨船二隻應請裁撤又據饒州府會同鄱湖營詳
稱該營額設唬船五隻亦請仿照該處民船收小

改造長三丈九尺七寸等情前來臣查嘉慶二年

欽奉

上諭各省戰船向因船身笨重遇有追捕盜賊之事駕駛不靈動須添雇民船自當於應行拆造之年一律收小仿照民船式樣改造以便操防等因欽此今江西省南湖九江鄱湖各水師營額設戰船均因船身笨重不便駕駛以致久未修造事同虛設實屬不成體制應請如該府等所議仿照民船式樣分別改造惟改造船數能否敷用及是否合式難以預定應由臣督同司道先行捐資每營酌造數隻試用如

存素堂集續編

奏疏卷三

美

果合式再行議

奏請

旨飭遵所有查明各營戰船應行裁改及先籌試辦緣由謹會同署兩江總督臣陳夔合詞恭摺具

奏伏乞

皇上聖鑒訓示謹

奏

道光十九年十一月初二日

肝胃病發懇

恩賞假調理片

再臣於夏間患肝胃之病胸腹作痛飲食少進以
尚能起坐無礙辦事是以未經具奏嗣於監臨文
場出闈後疾發加劇當以武場開考未能中止力
疾考試誠恐精神不能周到委藩臬兩司幫同閱
看已於十月十七日竣事尚無草率疏漏惟日來
腹背脹痛少眠減食殊形困憊合無仰懇

聖主天恩俯准

賞假一月俾得安心調理出自

存素堂集續編

奏疏卷三

三

逾格鴻慈爲此附片具

奏請

旨伏乞

聖鑒謹

奏

道光十九年十一月初二日

查明德化德安等十縣酌借籽種摺

奏爲遵

旨查明恭摺覆

奏仰乞

聖鑒事竊臣承准軍機大臣字寄道光十九年十月初

三日奉

上諭本年江西南昌等八縣被淹鄱陽等十六縣被水已據奏明無卹及委員查勘著迅速辦理並將來春應否接濟之處一併查明於封印前奏到等因欽此

臣跪讀之下仰見

存素堂集續編

奏疏卷三

三

皇上軫念民艱無微不至實深欽感遵卽行據藩司趙炳言逐一確查除南昌新建豐城進賢清江新淦新喻峽江廬陵吉水泰和萬安建昌安義等十四縣或被水較輕或補種菜麥並經分別緩徵遞緩民力已紓來春俱毋庸接濟外惟德化德安瑞昌湖口彭澤鄱陽餘千萬年星子都昌等十縣均係積歉之區來春播種之際小民鮮有蓋藏未免拮据應請酌借籽種以資接濟等情詳請覈

奏前來臣覆加體察委係實在情形合無仰懇

聖恩俯准將德化德安瑞昌湖口彭澤鄱陽餘千萬年

星子都昌等十縣被水無力農民於來春酌借籽種藉資耕作俟秋成後照例免息徵還如青黃不接之時被水各縣糧價未能平減或須平糶倉穀或令出陳易新仍當察看情形隨時酌辦俾免食貴之虞庶民力益臻寬裕以仰副

聖主惠愛黎元有加無己之至意所有

臣遵

旨查辦緣由理合恭摺覆

奏伏乞

皇上聖鑒謹

奏

存素堂集續編

奏疏卷三

五

道光十九年十一月二十四日

勸捐修築南昌新建等縣圩隄片

再查南昌新建豐城進賢四縣沿河一帶居民田產全賴圩隄保障本年夏間水勢漲發各縣圩隄多有沖決雖經各地方官勸諭業戶人等將患口隨時修築惟因連年被水洗刷隄身日漸低薄若不加培高厚勢必患不旋踵第就各該縣緊要隄防而計不下數百餘里一律興修工費甚鉅旣不能責之被水貧民令其枵腹從事而累年借帑修理積欠已多又未便再行請借臣再四熟籌惟有設法勸捐以工代賑在富戶得以自衛田廬而

存素堂集續編

奏疏卷三

早

小民亦可藉資口食辦理似兩有裨益當經行司轉飭該府縣確查籌辦去後茲據南昌府知府倪良燿查明南昌縣圩隄共一百六處惟富有一圩爲四十八圩之母保衛糧田數千餘頃須將嚴公廟攔江石壩二座接長添築以遏江潮此爲最要之工其餘大有三洞大積都關等十七圩殘缺尤多均應修復新建縣共圩隄四十九處內潤澤永豐太平豐實四圩每圩約長三四十里至五十里不等約計糧田三千五百餘頃地勢低下貼近鄱湖一經水漲全行淹沒必須擇要興修豐城所轄

土石各隄二萬餘丈除該前府張寅修建之雷公
腦等處隄身堅固毋庸議修外其餘石工間有鼓
裂而雞婆埭蔣家厰彭家湖車巷口土隄數十餘
處亦甚低薄亟宜分別修築進賢所轄之墘坪苦
竹雷家梓溪大成西塾金盆七圩均居湖河之中
四面皆水最易漫淹俱宜加高培厚實爲目前必
不可緩之工以上各縣內南昌新建豐城三縣尙
多殷實之家業經妥爲勸捐惟進賢一縣地瘠民
貧難以彙集祇有官爲籌捐庶可仰資而舉現在
均各捐有成數擇日興工當此寒冬農隙之時凡
被水村莊貧乏小民莫不樂於趨工一時荷鍤如
雲人情甚爲踴躍等情稟覆前來除諄飭該府督
令各該縣選擇公正紳士妥爲辦理並令官爲稽
查不准假手胥吏務期工堅料實俾資鞏固仍聽
願捐之戶量力樂輸不任稍有抑勒致滋派累外
合將現在籌辦緣由附片

奏

聞又查鄱陽餘干二縣被水地方應修圩隄亦經臣札
飭前署饒州府知府文海督縣勸捐修使貧民
藉工餬口現據稟報鄱陽縣通共七十四圩計決

存素堂集續編

奏疏卷三

聖

口一千七百九十六丈餘千縣通共二十二圩計
決口一千三百六十七丈均已捐有成數刻日興
工挑築民情極爲安貼洵堪仰慰

宸廑合併附陳伏乞

聖鑒謹

奏

道光十九年十一月二十四日

存素堂集續編

奏疏卷二

聖

奏請銷假片

再臣前因肝胃不和胸腹作痛自夏徂秋力疾辦
公至十一月初間病益加劇不得已

奏請

賞假一月安心調理仰沐

恩俞殊深感悚計自請假迄今業經逾月加緊醫治連
服疏肝之劑漸覺氣行痛止雖眠食尚未復原而
現在辦事如常精神不致困憊從此再加調攝可
冀霍復如初為此據實陳明

奏請銷假伏乞

奏疏卷三

聖

存素堂集續編

聖鑒謹

奏

道光十九年十二月二十日

奏請

公至十一月初間病益加劇不得已

再臣前因肝胃不和胸腹作痛自夏徂秋力疾辦

奏請

酌委藩司趙炳言兼署臬篆摺

奏爲臬司陞任委藩司兼署臬篆恭摺奏祈

聖鑒事竊臣接准吏部咨道光十九年十二月初一日

奉

上諭管濤羣著補授安徽布政使江西按察使著劉體
重補授各等因欽此當卽轉行欽遵知照所有臬司
印務應卽委員接署以便該司交卸起程惟江西
道員四缺糧道辦理新漕未便委署他篆鹽道薩
興阿俸滿進京現委候補道觀瑞署理饒九贛南
兩道均有關務之責俱未便調署伏查新任臬司

存素堂集續編

奏疏卷三

四

劉體重由河南來江計程尙不甚遠應將臬司印
務委令藩司趙炳言暫行兼署可期辦理無誤除
檄飭遵照外理合恭摺具

奏伏乞

皇上聖鑒謹

奏

道光十九年十二月二十日

各幫應交餘米懇

恩展緩一年摺

奏爲各幫應交初限餘米懇

恩展緩一年帶交以紓丁力恭摺奏祈

聖鑒事竊照上年江西各幫漕船因中途淺阻起撥米

石不無折耗該丁等回空乏食所有應交三升八

合餘米經漕臣朱

奏請緩至道光十九年冬運起分作三限搭解還款

仰蒙

俞允在案茲據督糧道徐廣縉詳據安福等七幫旗丁

存素堂集續編

奏疏卷三

聖

傳牛俚等稟上年各幫應交餘米荷蒙

奏准緩交丁等七幫共緩交餘米一萬二千四百三

石零本年應交初限米石應卽買備帶交惟是丁

等各船尚有應還十七年緩交三限餘米若將十

九年緩交初限餘米一併帶交每船計米二十餘

石之多以一運而完兩年舊欠丁力實有不逮應

請展緩一年仍分三限按數帶交等情由該道覈

明具詳請

奏前來臣覆加體察委係實在情形合無仰懇

聖恩俯准將安福等七幫本年應交十九年初限餘米

展緩一年俟起運二十年分漕糧爲始仍分三限
帶交俾丁力不致竭蹶實於運務有裨除飭將應
交十七年分三限餘米照數買備好米帶交外謹
會同漕運總督_臣朱 合詞恭摺具

奏伏乞

皇上聖鑒謹

奏

道光二十年二月初三日

存素堂集續編

奏疏卷三

吳

另揀靖安縣知縣王蘭與新喻縣知縣佛爾國春

對調摺

奏爲知縣人地未宜另行揀員對調以資治理恭摺

奏祈

聖鑒事竊照部選江西新喻縣知縣佛爾國春因人地

不甚相宜經臣

奏請以東鄉縣知縣銘岳對調奉

旨允准嗣經吏部查該員銘岳任內有道光十六年地

丁錢糧未完不及一分停陞罰俸一年戴罪徵收

一案展參例關降調覈與定例不符

存素堂集續編

奏疏卷三

單

奏請撤回行令另揀合例人員對調等因臣伏查東

鄉縣知縣銘岳係於道光十八年八月十二日到

任其接徵十六年地丁錢糧未完不及一分扣至

十八年八月二十八日二參限滿當經查取職名

照例

題參嗣據續報全完於上年七月內由司彙案詳

題聲明扣除免議在案續於十一月初二日

奏請調補新喻縣知縣係在全完具題之後是前案

已無處分惟查該員另有接徵道光十一二等年

錢糧未完續經

題參聽候部覆之案所有新喻縣缺自應遵照部議另行揀員對調俾資治理臣查江西各屬錢糧處分較多欲於實缺知縣中求其並無經徵接徵未完展參處分而又才堪勝任者殊難其選茲查有靖安縣知縣王蘭年四十九歲浙江仁和縣人由拔貢

朝考一等引

見奉

旨以知縣分發試用欽此籤掣江西

題署廣豐縣知縣未經實授旋即丁憂服滿起復仍

存素堂集續編

奏疏卷二

四

赴原省補用

題署今職於道光十八年六月二十四日到任該員年力強壯才具明幹任內並無盜案錢糧展參有關降革違礙處分以之調補新喻縣知縣與例相符辦理亦可勝任所遺靖安縣知縣係四項俱無簡缺即以佛爾國春對調亦屬人缺相當據藩司趙炳言臬司劉體重會詳請

奏前來合無仰懇

聖恩俯准以靖安縣知縣王蘭調補新喻縣知縣所遺靖安縣缺即以佛爾國春對調實於治理有裨如

蒙

俞允該員等係以選缺互相對調照例毋庸送部引見所有知縣人地未宜另揀合例人員對調緣由謹會同兼署兩江總督江南河道總督臣麟慶合詞恭摺具

奏伏乞

皇上聖鑒敕部覈覆施行謹

奏

道光二十年三月初三日

存素堂集續編

奏疏卷三

兪

德化縣知縣吳正緯卓異引

見復請展限片

再德化縣知縣吳正緯於道光十九年補行

大計卓異前准部咨調取引

見因該員有經手撫卹被水災黎要務不克依限赴部

經臣照例咨部展限在案茲撫卹事宜雖已完竣

惟該縣所轄之封廓等鄉圩隄因上年被水衝激

潰缺甚多亟應脩築完固以資保衛臣已飭令該

縣逐一勘估分別捐修正在工程喫緊之際未便

更易生手相應循例

存素堂集續編

奏疏卷三

奉

奏請加展令其一手經理將各鄉隄工一律趕辦完

竣後卽行交卸請咨赴部引

見不任再有遲延據藩臬兩司會詳前來理合附片

奏明伏乞

聖鑒謹

奏

道光二十年三月初三日

各縣捐修圩隄先將豐城進賢二縣驗收情形開單呈報摺

奏爲各縣捐修圩隄陸續告竣先將驗收豐城進賢二縣工段丈尺用過錢數並監修員名分開清單恭摺奏祈

聖鑒事竊臣於上年十一月內片奏南昌新建豐城進賢鄱陽餘干六縣圩隄沖決修費甚鉅籌議勸捐興修並以工代賑各緣由恭奉

硃批嚴查抑勒爲要知道了欽此當卽轉行欽遵去後嗣復查有德化建昌二縣隄身均形坍塌而德化

存素堂集續編

奏疏卷三

至

尤爲工艱費鉅亦經飭令一併籌辦臣與司道首府捐廉倡率數月以來先後興工分路稽查各處工員均尙認真民情極爲踴躍現已次第報完據豐城縣稟除縣上下河西土隄共二千六百九十八丈歸入十九年歲修項下支修專案造報並其餘稍有殘缺各隄勸令各該圩民自行修補完固外計捐修彭家湖等處土石隄工一千九百九十一丈零又各處修脩石隄一千九百丈並填坑脩閘等工共用錢五千四百九千餘文進賢縣稟梓溪等七圩分段估修一萬一千八百七十丈零共

用捐項錢七千二十七千餘文各開清摺申送均
經臣與藩司分委委員逐一驗明俱係工程堅固
丈尺相符間有因雨水淋漓復稍坍塌卸之處飭令
加工補築務使一律完固以資保衛除應行懇
恩獎敘之捐輸各官紳及監修出力委員容俟彙案覈
實奏請並此外各縣隄工驗明陸續具

奏外合將豐城進賢二縣修竣圩隄工段丈尺用過
錢數並監修委員銜名先行開單恭呈

御覽伏乞

皇上聖鑒再豐城縣鄒家腦限外石隄新坍三丈鼓裂

存素堂集續編

奏疏卷三

五

十五六丈現因春水漲發難以施工臣已飭令先
行設法堵禦交秋一併修復至此案各縣隄工均
係由外捐辦應請統免造冊報銷合併聲明謹

奏

道光二十年三月二十九日

請將尋常煙案軍流人犯變通辦理片

再問擬軍流罪人犯向應專案咨部俟刑部覆准始行定地起解現在辦理鴉片煙案人數眾多販賣吸食按照新例俱應問擬軍流各州縣每辦一案自審解詳咨至接准部覆行知請配輾轉往返動在半年以外拏獲較多之縣舊犯未去新犯踵至加以另案應禁人犯監獄每形擁擠致有分寄鄰縣監獄或另行撥役看守既非常法且恐照顧難周易致疏虞當此查辦喫緊之際似須於成例之中量爲變通伏查新定鴉片章程業已條分縷

存素堂集續編

奏疏卷二

五

晰引斷俱有專條與別項案件情偽多端罪易出入者不同應請嗣後鴉片案內除罪應外遣及案情間有疑似例應比擬者仍俟接准部覆再行定地發配外其尋常煙案軍流人犯一面專案咨部一面卽由司定地詳請發配俟刑部咨覆後於年終照例彙題如此則人犯得以隨時疏通庶監獄無擁擠之虞而辦理益昭嚴緊是否有當理合附片具陳伏乞

聖鑒訓示謹

奏

道光二十年五月二十一日

存素堂集續編

奏疏卷三

五



道光二十年五月二十一日

覆奏鴻臚寺少卿葉紹本條陳捕盜事宜摺

奏爲遵

旨妥議恭摺覆奏仰祈

聖鑒事竊臣接准部咨欽奉

上諭鴻臚寺少卿葉紹本奏捕盜事宜一摺著各直省

督撫妥議具奏摺並發欽此臣查原摺所稱盜案初

報宜速移鄰封協捕盜案犯事應嚴懲保甲牌頭

城鄉居民宜令守望相助審鞫盜案無令苦累事

主各條本係向來舊章外省亦多照辦並無格礙

難行之處惟是弭盜之法或防維於事前或嚴懲

存素堂集續編

奏疏卷三

五

於事後尙不僅此數端如查拏窩家禁捕叅賊以

及禁止游手賭博以清爲盜之源稽察市集典押

以絕消贓之路亦皆爲緝捕要領歷來內外臣工

條議章程均已賅備臣竊謂此時講求捕務不患

立法之未詳惟患奉行之不力必須地方文武各

官共知黽勉從事又須隨時隨地擇其大端相機

整頓方有裨益江西各屬向惟贛州南安兩府界

連閩粵民情獷悍時有搶劫重案九江南康饒州

等府濱臨江湖奸宄易於潛匿而又界連楚皖時

有外來匪徒混跡其間自道光十年間經前撫臣

籌給贛南兩府各廳縣緝捕經費設法嚴拏近年以來匪徒頗爲斂跡上年臣因查禁鴉片飭令該兩府添設卡座捐給兵役飯食駐紮巡防遇有賊盜亦可一體查拏至九江一帶亦節經各前撫臣及臣先後委員前往獲犯多名歷次

奏明嚴加懲治惟因水面遼闊從前額設操防唬船均已朽壞不能常川巡緝臣前已

奏請將南湖九江鄱湖各營操巡船隻由臣督同司道捐資發給仿照民船式樣每營改造數隻以爲操巡之用現在均已造竣駕駛甚爲得力復議添

存素堂集續編

奏疏卷三

五

造容俟續行奏辦省城除南新二縣新設兩巡船外臣又捐造兩船分撥左右營委弁分段晝夜巡

查兩月一換分記功過並令沿江各屬一體雇募民船派委員弁往來巡緝去冬至今各屬失事尙少此外各府雖民情較爲淳樸而防範必須嚴密

臣惟有隨時諄飭所屬一體認真整頓至於州縣

奉行勤惰則當視其報案之多寡分別懲勸倘有諱盜消弭匿不詳報更當從嚴叅辦務期各屬共知奮勉不敢因循觀望庶捕務益加整飭以仰副

聖主除暴安良至意所有臣欽遵籌議緣由理合繕摺

具

奏伏乞

皇上聖鑒訓示謹

奏

道光二十年五月二十一日

存素堂集續編

奏疏卷三

五



皇土聖鑒賜示謹

奏

具

